

Muslim Aid Association

Broj protokola: 473/24

Datum: 19.11.2024.

POZIV OPĆINAMA/GRADOVIMA ZA ISKAZIVANJE INTERESA ZA PARTNERSTVO NA PROJEKTU U 2025. GODINI

Muslim Aid Association upućuje **poziv općinama/gradovima u Bosni i Hercegovini** za iskazivanje interesa za partnerstvo na projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“, koji će biti implementiran u 2025. godini.

O PROJEKTU

Projekat se implementuje od 2016. godine, a do sada je, uz podršku općina/gradova partnera, obezbijedeno preko 3.200 plastenika površine 100 m² sa sistemom za navodnjavanje i repromaterijalom za isto toliko domaćinstava širom Bosne i Hercegovine.

Projekat se realizuje po principu sufinansiranja:

- **50% finansira Općina/Grad partner,**
- **40% finansira Muslim Aid Association,**
- **10% učesće korisnika.**

Ukupni troškovi za nabavku plastenika i opreme po jednoj općini iznose **74.000 KM**. Svi učesnici u projektu dužni su, prije instalacije plastenika sa sistemom za navodnjavanje i podjele repromaterijala, da uplate kompletan iznos svog dijela sufinansiranja.

Za 2025. godinu planirana je implementacija projekta u **10 općina/gradova**:

- **5 općina u prvoj polovini godine,**
- **5 općina u drugoj polovini godine.**

KRITERIJI ZA ODABIR OPĆINA/GRADOVA PARTNERA

Prilikom odabira partnera, prednost će imati općine/gradovi koji ispunjavaju sljedeće kriterije:

1. **Općine i gradovi koji do sada nisu učestvovali u ovom projektu.**
2. **Općine i gradovi s kojima nije ostvarena saradnja na ovom projektu duži niz godina.**
3. **Ruralne općine i općine s izraženim ruralnim područjima.**
4. **Općine i gradovi s visokom stopom nezaposlenosti.**
5. **Općine i gradovi u kojima postoji značajan broj socijalno i materijalno ugroženih domaćinstava.**

Zainteresovane općine/gradovi trebaju dostaviti **pismo namjere**, u kojem mogu elaborirati po kojem ili kojim kriterijima smatraju da bi trebali biti uključeni u projekat u 2025. godini.

Muslim Aid Association zadržava pravo da, u skladu s procjenom prioriternih potreba i raspoloživih resursa, donese konačnu odluku o odabiru općina/gradova za učešće u projektu. Prilikom donošenja odluke uzimaju se u obzir raspoloživi podaci o socijalno i ekonomski ugroženim kategorijama stanovništva, kao i potencijal za održivost i dugoročnu korist projekta u lokalnim zajednicama. Naša procjena ima za cilj osigurati da podrška bude usmjerena prema općinama/gradovima u kojima će projekat imati najveći pozitivan utjecaj na ugrožena domaćinstva.

KAKO SE PRIJAVITI?

Poziv za iskazivanje interesa otvoren je do **6. decembra 2024. godine**. Pismo namjere potrebno je dostaviti na e-mail adresu: **armin.zlatic@muslimaid.com**

ZAŠTO POSTATI PARTNER?

Partnerstvom u ovom projektu pruža se prilika socijalno i materijalno ugroženim domaćinstvima da:

- Povećaju prihode kroz proizvodnju povrća,
- Osiguraju ekonomsku sigurnost za svoje porodice,
- Aktivno doprinesu održivom razvoju lokalne zajednice.

Muslim Aid Association se raduje prijavama i nastavku saradnje s općinama i gradovima u Bosni i Hercegovini na realizaciji ovog značajnog projekta.